

Bibel fa Kjinja brinj't junt



De Mejal dee tweemol läwd



Jeschräwen von: Edward Hughes

Jemolt von: Janie Forest

Äwasat von: Ed Zacharias

Toom Paus jestalt von: Ruth Klassen

De 49. Jeschicht von 60

www.M1914.org

Bible for Children, PO Box 3, Winnipeg, MB R3C 2G1 Canada

Jesazlich: Du doascht dise Jeschicht oppnämen ooda drekjen, soo lang aus du dee nich vekjafst.

Plautdietsch

Low German

Jairus wia een Liera en eene Judenschool un lieed de Lied waut Gott sien Wuat meend. Een Dach wort hee sea beduat: siene eensje Dochta, twalw Joa oolt, wia krank. Kjeena wist waut see fa ar doonen sullen; see wort sea krank. Daut leet aus wan see nich wudd bäta waren.




1

Doa wia noch een Maun däm see nich jefroacht hauden. Nu jinkj Jairus Jesus holen. Eenje Tempel Mana wudden daut nich jleichen, oba hee jinkj doch.



Hee wull schwind Help haben, ea de Dochta storf.

2




Jairus
funk
Jesus
met väl
Menschen
rom am.

3




Jairus kjneed
ver Jesus,
un prachad,
"Miene kjliene
Dochta es
aum stoawen;
komm doch
un laj ar
diene Henj
opp daut see
kaun jesunt
woaren un
läwen."

4



Jesus jinkj met am,
oba doa wieren soo väl
Menschen daut daut
langsom jinkj. Eene
Fru dee aul 12 Joa
krank jewast wia, un
aul äa Jelt vedoktat
haud, wull sea jieren
Jesus seenen.

5



Waut kunn see doonen? See docht
daut wudd ar halpen, wan see blooss
Jesus siene Kjeleda kunn aanschieren.
See kjeem sacht noda no Jesus,
un schliesslich kunn see no
Jesus siene Kjeleda rieekjen.

6



Dit wia een Wunda! De
Fru wia jeheelt. Fuaz,
gauns bäta! Un see wist
daut uk. Dan fruach
Jesus, "Wää haft mie
aunjieschieet?" Väle
hauden am aunjeschieet,
oba de Fru wist daut
Jesus no ar fruach, un
waut ar jeworden wia.
See wia schuchta, oba
see vetald am aules.

7



Doaräwa kjeemen Mana von daut Hus von däm Leida
von de Judenschool. See wieren truarich un säden,
"Diene Dochta es jestorwen."
Werkjlich? Wia daut nu too
lot? Veleicht wan doa
nich soo väl wia mank
jekomen, soo aus
daut met de kranke
Fru. Dit kunn Jairus
meist nich jleewen.

8

Aus Jesus daut hieed, säd hee, "Fercht die nich lenja. Jleew blooss, see woat bäta sennen." Nu wist hee meist nich waut hee jleewen sull. Wie see jstorwen? Wudd Jesus halpen?

En daut Hus hielden un truaden see aula fa de Mejal. Jesus säd, "Daut Kjint es nich jstorwen. See schlapt." De Lied lachten äwa am. See hauden ar jeseenen.



9

Jesus schekjt aulem rut, neem de Mejal äare Haunt, un säd, "Kjliene Mejal, sto opp." Jairus wie doa, un siene Fru. Dree von Jesus siene Jinja wieren uk doa. See hieeden aula waut Jesus säd. Wudd de kjliene Mejal daut uk hieren?



10

De Mejal hieed Jesus to ar räden. See bewäajd sikj, un stunt fuaz opp. Jesus haud ar vom Doot oppjewakjt.



11

De Mejal äare Elren wundaden sikj. Jesus säd see sullen ar waut to äten jäwen. See freiden sikj sea, un wieren sea dankboa fa waut Jesus jedonen haud. Hee wie an goot, un hee kunn de Mejal vom Doot oppwakjen.



12

De Mejal dee tweemol läwd

Eene Jeschicht von en daut Wuat Gottes, de Bibel

finjt eena en

Markus 5, Lukas 8

"Wan dien Wuat openboat woat, jeft daut Licht." Psalm 119:130

Gott weet daut wie schlaecht jedonen haben, waut hee Sind nant. De Strof fa Sind es de Doot.

Gott es ons soo goot daut hee sien Sän Jesus schekjt, daut hee fa ons aum Kjriez storf un onse Schult betold. **Jesus stunt vom Doot opp** un es trigj nom Himmel jfoaren! Nu kaun Gott ons onse Sind vejäwen.

Wan du von diene Sinden west wajchdreien, dan saj dit to Gott: Leewa Gott, ekj jleew Jesus es fa mie jstorwen un daut hee nu wada läft. Komm en mien Läwen un vejeff miene Sinden, soo daut ekj nu kaun nieet Läwen haben, un noch emol opp emma no die komen. Halp mie fa die to läwen aus dien Kjint. Amen. Johannes 3:16

Lass de Bibel un räd jieda Dach met Gott!